



UNMIK/DIR/2005/1  
6 janar 2005

---

**URDHËRESË ADMINISTRATIVE NR. 2005/1**

**PËR NDRYSHIMIN E URDHËRESËS SË NDRYSHUAR ADMINISTRATIVE  
TË UNMIK-ut NR. 2002/16 PËR ZBATIMIN E RREGULLORES SË UNMIK-  
ut NR. 2000/13 MBI REGJISTRIMIN QENDROR CIVIL**

Ushtruesi i detyrës së Përfaqësuesit Special të Sekretarit të Përgjithshëm,

Në pajtim me autorizimin që i është dhënë me nenin 8 të Rregullores së Misionit të Administratës së Përkohshme të Kombeve të Bashkuara në Kosovë (UNMIK) nr. 2000/13 të datës 17 mars 2000 për Regjistrimin Qendror Civil,

Pas shpalljes së Urdhëresës administrative të UNMIK-ut nr. 2000/12 të datës 31 korrik 2001 për zbatimin e Rregullores së UNMIK-ut nr. 2000/13,

Duke marrë parasysh nenin 17.6 (f) të Urdhëresës së ndryshuar administrative të UNMIK-ut nr. 2001/12,

Pas shpalljes së Urdhëresës administrative të UNMIK-ut nr. 2002/16 të datës 19 korrik 2002 për zbatimin e Rregullores së UNMIK-ut nr. 2000/13, e ndryshuar me anë të Urdhëresës administrative të UNMIK-ut nr. 2003/19 të datës 5 gusht 2003,

Me qëllim të lehtësimit të zbulimit të informacioneve nga Zyra Qendrore e Regjistrimit Civil për Qendrën për informata financiare,

Me anë të kësaj ndryshon Urdhëresën e ndryshuar administrative të UNMIK-ut nr. 2002/16 duke ndryshuar nenin 1.3, 2(c), duke ia shtuar nenet e reja 2(d) dhe 3.5 dhe duke e rinumëruar nenin 3.5 si vijon:

Neni 1  
Ndryshimi

Urdhëresa e ndryshuar administrative e UNMIK-ut nr. 2002/16 ndryshohet më tej si vijon:

(a) Neni 1.3 ndryshohet dhe formulohet kështu: ““Palë kërkuese” do të thotë Përfaqësuesi Special i Sekretarit të Përgjithshëm, Policia e UNMIK-ut, KFOR-i, autoritetet gjyqësore të UNMIK-ut, Njësia për hetime financiare, ose Qendra për informata financiare.”,

(b) Neni 2(c) ndryshohet dhe formulohet si vijon: “Një procedurë gjyqësore e papërfunduar penale ose civile pas kërkesës nga autoritetet gjyqësore të UNMIK-ut, ose”,

(c) Shtohet një nen i ri 2(d) dhe formulohet si vijon: “Analizimin e dyshimeve për larje të parave apo për financimin e veprimtarive terroriste pas kërkesës së Qendrës për informata financiare.”;

(d) Shtohet një nen i ri 3.5 dhe formulohet si vijon: “Shefi i Qendrës për informata financiare mund të dorëzojë kërkesë në Zyrën Qendrore të Regjistrimit Civil për zbulimin e të dhënave personale që kërkohen lidhur me analizimin e dyshimeve për larje të parave apo për financimin e veprimtarive terroriste.” dhe

(e) Neni 3.5 rinumërohet si 3.6.

Neni 2  
Hyrja në fuqi

Kjo Urdhëresë administrative hyn në fuqi më 6 janar 2005

Søren Jessen-Petersen  
Përfaqësues Special i Sekretarit të Përgjithshëm